

晦菴題跋

目錄

卷之一

跋東坡與林子中帖一則



跋李後主詩後

跋呂伯恭日記

題伯恭所抹荆公日錄

跋□□

晦菴題跋

日錄

跋□□

汲古閣

題歐公金石錄序真蹟

題西臺書

題荆公帖二則

題力命帖

題樂毅論

題蘭亭叙

題鍾繇帖



題法書

題曹操帖

書壘

題右軍帖

跋諸人贈路君詩後

跋喻湍石所書相鶴經

跋朱希真所書樂毅報燕王書

跋朱喻二公法帖

晦菴題跋

目錄

汲古閣

跋應仁仲所刊鄭司業詩

跋蔣邕州墓誌銘

跋鄭威愍遺事

跋米元章帖

書歐陽文忠公集古錄跋尾後

跋周元翁帖

跋胡澹菴所作李承之論語說序

跋胡澹菴和李承之詩

跋宋君忠嘉集

跋范文正公送竇君詩

跋溪上翁集

跋潘顯甫字序

跋謝良齋所作靜齋銘

題顧侯射記後

跋李壽翁遺墨

跋任伯起家藏二蘇遺蹟

晦菴題跋

目錄

跋滕南夫溪堂集

跋馮君家藏唐誥

跋程董二生學則

書伊川先生帖後

題太極西銘解後

跋東坡與趙德麟字說帖

書楊龜山帖後

跋楊遵道遺文

汲古閣

跋陳了翁責沈

記參政龔公陞辭奏藁後

跋通鑑韻語

跋程宰登瀛閣記

題方氏家藏紹興諸賢帖後

跋先吏部畱題延福院詩

跋施良翰軍政策

再跋參政龔公陞辭奏藁

晦菴題跋

目錄

汲古閣

跋閻丘生陰符經說

跋黃山谷詩

書伊川先生與方道輔帖後

書臨漳所刊四經後

書 詩 春秋

易

書楚辭協韻後

再跋楚辭叶韻

題屈原天問後

跋劉子澄與朱魯叔帖

跋黃山谷帖

跋蔡端明帖

跋曾文昭公與朱給事帖

二則

跋東坡牛賦

跋王端明奏藁

書臨漳所刊四子後

跋蔡端明獻壽儀

跋李忠州家諸帖

晦菴題跋

目錄

汲古閣

跋高彥先家諸家帖

跋葉氏慕堂詩

跋滕戶曹守台州事實

跋呂舍人帖

跋景呂堂詩

卷之二

跋朱奉使奏狀

跋趙直閣忠節錄

跋趙朝奉行實

跋王荆公進鄴侯遺事奏藁

跋方季申所校韓文

跋趙中丞行實

跋徐來叔歸師堂詩

跋尹和靜帖

跋唐人暮雨牧牛圖

跋楊深父家東坡帖

晦菴題跋

目錄

汲古閣

跋蔡神與絕筆

跋劉叔通詩卷

跋呂伯恭書說

跋魏侍郎集

書橫渠康節帖後

書先吏部手澤後

跋余巖起集

書僞詔後

題趙清獻事實後

跋呂舍人與薛元亮帖

跋薛畏翁

跋曹裘父劉子澄帖

跋呂舍人青溪類藁

跋曾裘父贈屈待舉詩

跋曾仲恭文

跋鄭宣撫帖

晦菴題跋

目錄
七

汲古閣

跋曾南豐帖

題呂舍人帖

書壽皇批答魏丞相奉使劄子

跋辨志錄

跋趙清獻公家問及文富帖跋語後

跋三家禮範

書邵康節誠子孫真蹟後

跋謝艮齋與黃生詩

跋高侯行實

跋曾裘父艇齋師友尺牘

書程子禘說後

跋魯直書踐阼篇

跋趙清獻公遺帖

跋司馬忠潔公帖

跋司馬文正公通鑑綱要真蹟

跋王樞密答司馬忠潔公帖

海卷題跋

目錄

汲古閣

跋司馬文正公薦賢帖

再跋王荆公進鄴侯遺事奏藁

書釋奠申明指揮後

跋李侍郎武夷詩

跋東坡剛說

跋李勉仲詩卷

跋郭長楊醫書

題嗣子詩卷

跋邵康節檢束二大字

跋蒼玉詩卷

跋武侯像贊

跋魏元履墓表

跋道士陳景元詩

跋李參仲行狀

跋呂仁甫諸公帖

書李參仲家藏二程先生語錄後

晦菴題跋

目錄

汲古閣

題嚴居厚與馬莊甫唱和詩軸

跋吳中丞家傳

跋趙忠簡公帖

再跋趙忠簡公帖

跋張魏公詩

書張魏公與謝參政帖

二則

跋向伯元遺戒

書廖德明仁壽廬條約後

卷之三

跋趙鈴轄墓誌

跋劉雜端奏議及司馬文正公帖

跋張忠確公家問

跋東陽郭德輔行狀

跋許侍郎詩卷

書河圖洛書後

跋萬君行實

晦菴題跋

目錄

跋呂范二公帖

汲古閣

跋度正家藏伊川先生帖後

跋張敬夫與馮公帖

跋孔君家藏唐誥

跋孔毅夫談苑

跋十七帖

跋杜工部同谷七詩

跋李伯時馬

跋東坡書李杜諸公詩

跋杜祁公與歐陽文忠公帖

跋東方朔畫贊

跋蔡端明寫老杜前出塞詩

跋吳道子畫

跋歐陽文忠公與劉侍讀帖

跋舊石本樂毅論

跋東坡祭范蜀公文

晦菴題跋

目錄
十一

汲古閣

跋富文忠公與洛尹帖

跋韓魏與歐陽文忠公帖

跋朱希真所書道德經

跋趙清獻公家書

跋湯君墨梅

跋王信臣行贊

跋程沙隨帖

書鈞臺壁間何人所題後

此詞實亦先生所作

跋呂氏歲時雜記

跋張安國帖

跋山谷宜州帖

跋米元章下蜀江山圖

跋蔡端明帖

跋歐陽文忠公帖

跋東坡帖

跋曾南豐帖

晦菴題跋

目錄
十二

汲古閣

跋彭監丞集

跋劉司理行實

跋家藏劉病翁遺帖

跋病翁先生詩

書先吏部韋齋記銘并劉范二公帖後

書先吏部與淨悟詩後

跋德本所藏南軒主一箴

題吳中感秋賦後

跋張以道家藏東坡枯木怪石

跋劉子勉行狀

跋吉水周君家藏訴牒

跋山谷草書千文

跋陳光澤家藏東坡竹石

跋陳大夫詩

跋進賢傳君行實

跋大父承事府君行狀

晦菴題跋

目錄
十二

汲古閣

跋楊子直所賦王才臣絕句

跋黃壺隱所藏師說

跋袁州萍鄉縣社倉記

跋周司令所藏東坡帖

跋章國華所集注杜詩

跋林汝器論語集說後

題李太白詩後

書周易參同契考異後

題不養出母議後

書張伯和詩詞後

跋徐騎省所篆項王亭賦後

跋蘭亭叙

跋汪季路所藏其外祖湍石喻公所書文

中子言行卷後

跋泰山秦篆譜

跋蔡藻筆

晦菴題跋

目錄
十四

汲古閣

題袁幾仲所校參同契後

跋周益公楊誠齋送甘叔懷詩文卷後

跋陳剛中帖

晦菴題跋目錄

終

晦菴題跋卷之一

宋 新安朱熹

撰

明 古虞毛晉 訂

跋東坡與林子中帖

淳熙辛丑中冬乙酉觀此於衢州浮石舟中時浙東饑甚予以使事被旨入奏三復其言尤深感歎當撫刻諸石以視當世之君子新安朱熹書

再跋

晦菴題跋

卷之一

汲古閣

淳熙辛丑浙東水旱民饑予以使事被召入奏道過三衢得觀此帖於玉山汪氏以爲仁人之言不可以不廣也明年乃刻石常平司之西齋新安朱熹書

第三書節略云別後淫雨不止所過災傷殊甚京口米斗百二十文人心已是皇皇又四月天氣全似正月今歲流殍疾病必煩糶置淮南蠶麥已無望必拽動本路米價欲到廣陵更與正仲議之更一削願老兄與微之中玉商議早聞朝廷厚設儲備熙寧中本路截撥及別路般來錢米并因大荒放稅及虧却課利蓋累百距萬然於救飢初無絲毫之益者救之遲故也願兄

早畱意又乞與漕司商量今歲上供斛米皆未
宐起發兄自二月間奏乞且遲畱數月起發徐
觀歲熟至六月起未遲免煩也路般運賑濟如
此開述朝廷必不訝荷知眷之深輒爾僭言想
加恕察不
一某皇恐

跋李後主詩後

平叔任散誕夷甫坐論空豈悟昭陽殿遂作單于
宮此陶隱居託魏晉以諷蕭梁之詩也當時不悟
竟蹈覆轍其爲商監益以明矣而違命李侯乃復
以無生混茫者亡其國何哉道學不明人心不正
晦菴題跋

卷之一

汲古閣

詖淫邪遁之說肆行而莫之禁也嗚呼痛哉

熹觀汪伯時所藏李後主手寫詩歎息書此潘
叔昌訪熹釣臺因書贈之淳熙辛丑十一月十

八日

跋呂伯恭日記

觀呂伯恭病中日記其繙閱論著固不以一日懈
至於氣候之暄涼草木之榮悴亦必謹焉則其察
物內省蓋有非血氣所能移者矣此來不得復見

伯恭父固爲深恨然於此得窺其學力之所至以自警省則吾伯恭之不亡者其誨我亦諄諄矣三復流涕敬書其後淳熙壬寅新安朱熹書

題伯恭所抹荆公日錄

伯恭病中讀書漏刻不去手既定詩說記古今大事而其餘力又及此然皆未及終篇而卒讀者恨之此書經楊陳二公掇擊不遺餘力而其肺腑之際猶有未盡白者今觀伯恭於書首四卷乃不加一詞而其幾微毛髮之間皆不得有所遁學者於此不唯可以究觀前事而極夫治亂之源抑亦可以反求諸心而審其得失之端矣淳熙壬寅正月十七日來哭伯恭之墓而叔度出此編視予感歎之餘爲書其左朱熹仲晦父

跋

淳熙壬寅上巳朱熹仲晦父觀疑此卷勝名畫詩也

跋

尤延之論古人筆法來處如周太史莫世系真使人無間言朱熹仲晦父識

題歐公金石錄序真蹟

集錄金石於古初無蓋自歐陽文忠公始今順伯嗜古無厭又有甚於公之所爲而復得公此序真蹟藏之其不偶然矣淳熙壬寅襍飲會稽西園暮歸書此朱熹仲晦父

晦菴題跋

卷之一
四

汲古閣

題西臺書

西臺書在當時爲有法要不可與唐中葉以前筆跡同日而語也細觀此帖亦未見如延之所云也新安朱熹仲晦父

題荆公帖

先君子自少好學荆公書家藏遺墨數紙其僞作者率能辨之先友鄧公志宏嘗論之以其學道於河雒學文於元祐而學書於荆舒爲不可曉者今

觀此帖筆勢翩翩大抵與家藏者不異恨不使先君見之因感咽而書于後朱熹書

題荆公帖

熹家有先君子手書荆公此數詩今觀此卷乃知其爲臨寫本也恐後數十年未必有能辯之者略識于此新安朱熹云

題力命帖

力命表舊惟見近世刻本今乃得見貞觀所刻深

晦菴題跋

卷之一
五

汲古閣

以自幸然字小目昏殆不能窺其妙處又愧其見之晚也它日見右方諸公當請問焉又未知其所見與予果如何耳朱熹仲晦父

題樂毅論

新安朱熹觀王順伯所藏樂毅論黃庭經東方贊皆咎所未見撫歎久之

題蘭亭叙

淳熙壬寅上巳飲禊會稽郡治之西園歸玩順伯

所藏蘭亭叙兩軸知所謂世殊事異亦將有感於斯文者猶信及覽諸人跋語又知不獨會禮爲聚訟也附書其左以發後來者之一笑或者猶以牋奏功名語右軍是殆見杜德機耳晦翁

題鍾繇帖

此表歲月予未嘗深攷然固疑征南將軍爲曹仁也今觀順伯所論適與意合是時字畫猶有漢隸體知此墓田帖及官本白騎等字爲非鍾筆亡疑

晦菴題跋

卷之一
六

汲古閣

也朱熹記

題法書

予舊嘗好法書然引筆行墨輒不能有毫髮象似因遂懶廢今觀此帖益令人不復有餘念今人不及古人豈獨此一事推是以往庶乎其能自彊矣

朱熹書

題曹操帖

余少時曾學此表時劉芑父方學顏書鹿脯帖余

以字畫古今誚之其父謂余我所學者唐之忠臣
公所學者漢之篡賊耳時予默然亡以應今觀此
謂天道禍淫不終厥命者益有感於其父之言云
晦翁

書壘

臣熹恭惟我太祖皇帝受天明命以有九有之師
時蓋未得此壘也紹聖元符之後事變有不可勝
言者矣臣熹敬書

晦菴題跋

卷之一
七

汲古閣

題右軍帖

隨事行藏固謝萬之藥石然右軍未必能踐斯言
也豈其自知已審遂超然遠逝而不顧邪三復此
紙欲罷不能後之君子當有識此意者朱熹仲晦
父

跋諸人贈路君詩後

路君斷橋擊賊手斬凶渠其功甚偉而賞不醇識
者恨之然君材氣過人臨事不苟決非終不遇者

觀此詩卷固多奇語而余於簽書沈公之言爲有感也路君勉旃而已淳熙壬寅九月丙申朱熹題

沈公蓋叔晦之尊人時爲越州簽判路君名岩卿嘗爲蘄水尉

跋喻湍石所書相鶴經

舊藏碧虛子相鶴經石本意頗愛之今觀湍石喻公所書法度謹嚴而意象蕭散知彼爲法縛矣淳熙壬寅臘月庚申朱熹

跋朱希真所書樂毅報燕王書

晦菴題跋

卷之一

汲古閣

余嘗恨右軍不寫此書而寫夏侯之論今觀玉山汪季路所藏伊水老人手筆老人得無亦有余之恨乎季路將刻之石以貽永久余知有志之士當復有廢書而泣者矣淳熙壬寅十二月庚申新安朱熹書

跋朱喻二公法帖

書學莫盛於唐然人各以其所長自見而漢魏之楷法遂廢入本朝來名勝相傳亦不過以唐人爲

法至於黃米而歆傾側媚狂怪怒張之勢極矣近歲朱鴻臚喻工部者出乃能超然遠覽追迹元常於千載之上斯已奇矣故嘗集其墨刻以爲此卷而尤以樂毅書相鶴經爲絕倫不知鑒賞之士以爲如何也

跋應仁仲所刊鄭司業詩

鄭司業金華被召入詩慈祥溫厚之氣藹然發於筆墨畦徑之外其門人應君仁仲刻石摹本見寄晦菴題跋

卷之一
九

汲古閣

三復詠歎如見其人爲之隕涕淳熙乙巳正月庚戌朱熹仲晦父書

跋蔣邕州墓誌銘

始予讀張敬夫遺文見所記蔣邕州事常恨不得蔣君爲人之詳一日有新攸縣蔣令者過門枉顧出張安國所述其先墓文則邕州公也予驚喜疾讀數過不能去手又觀劉文潛跋語則又知君之遺愛在人久而不衰也嗚呼世固未嘗無材也唯

其生於窮荒下邑旣無以自振而又知自貴重不肯希世取寵遂以陸沉下僚不及究其所有者爲不少矣如君之材晚雖小試然其志業豈遽盡於其所已試者而已邪是可哀已文潛所論聲病綴緝遺賢之弊尤與人意合章卿稱攸縣嘗論嶺西鹽法因得扣焉又喜邕州家法之未泯也嗟嘆不已輒記其後云淳熙乙巳二月庚辰新安朱熹

跋鄭威愍遺事

晦菴題跋

卷之一

汲古閣

鄭威愍公擁羸卒守孤城以抗暴起方張之虜鄰援旣絕遂以身殉予讀褒贈詔書及其家問墓銘未嘗不三復流涕也夫忠義之性出於人心之秉彝策名委質以事人者其講之宜熟矣而吾觀於前日中原之禍一時士大夫出身殉國死其官守如鄭公者何少也豈非義利之分不素明取舍之極不素定一旦倉卒則貪生畏死而惟利之從哉嗚呼如鄭公者可謂得其本心而無愧於臣人之

義矣是固有國家者所以殷勤襄錄以爲臣子之
勸使其有所鄉慕感激而興起其忠義之良心非
獨以私於鄭氏之子孫而已也因竊敬識其後以
告觀者云淳熙乙巳三月甲申朔新安朱熹書

跋米元章帖

米老書如天馬脫銜追風逐電雖不可範以馳驅
之節要自不妨痛快朱君所藏此卷尤爲犇軼而
所寫劉無言詩亦多奇語信可寶也淳熙乙巳三
月晦日朱熹仲晦父觀于建陽西山景福僧舍

晦菴題跋

卷之一

汲古閣

書歐陽文忠公集古錄跋尾後

歐陽文忠公集古所錄蓋千卷也頃嘗見其曾
孫當世家尚二百本但跋尾及一二明公題字
其石刻謂離亂之後逸之爾今觀此四紙自趙
德父來則在崇寧間已散落也不然豈其藁邪
以校文集所載多訛舛脫略是當爲正而楊君
集碑文集則無惟中字作仲宗建武之元作孝

武恐却乃筆誤也然德父平生自編金石錄亦
二千卷又倍於文忠公今復安在公所謂君子
之垂不朽不託於事物而傳者真知言哉三復
歎息淳熙九年重五日潁川韓元吉書

集古跋尾以真蹟校印本有不同者韓公論之詳
矣然平泉草木記跋後印本尚有六七十字深誚
文饒處富貴招權利而好奇貪得以取禍敗語尤
緊切足爲世戒且其文勢至此乃有歸宿又鬼谷
之術所不能爲者之下印本亦無也字凡此疑皆
當以印本爲正云十二年四月旣望朱熹記

華山碑仲宗字洪丞相隸釋辨之乃石刻本文
假借用字非歐公筆誤也

跋周元翁帖

法楊者讀書至老不輟持論甚正常云農家有
百錢斗粟之贏必謹藏之與僧乃已民安得不
貧故其住山不營土木不遣其徒出勾曰吾不

忍助民蠹也權貴人有所求一毫不予而凶年
作糜粥以活人餓者豈易得哉豈易得哉願公
并書之可乎 此乃陸倉與先生書

明州大梅老法楊者故龍圖閣學士鄭公向之曾
孫也藏周元翁帖與其先世手書一軸嘗屬山陰
陸務觀求予跋尾未及遣而下世務觀乃以書致
之且言楊既死此軸無所付寫畢願爲送濂溪書
堂藏之元翁詞翰之美前輩已多稱之無所俟於

晦菴題跋

卷之一
十三

汲古閣

予言者獨味其言知老先生之學之傳乃專在於
程氏此可歎也楊公雖不及識然如務觀所稱則
其故家遺俗猶可想見豈亦自悔其失身於此而
不能有以自還也邪此又重可歎也務觀別紙筆
札精妙意寄高遠楊公所賴以不朽蓋有在於是
者因刻以附卷中而識其後云淳熙乙巳孟夏旣
望雲臺隱吏朱熹仲晦父書

跋胡澹菴所作李承之論語說序

通經之士固當終身踐言乃爲不負所學斯言之要所以警乎學者可謂至深切矣然士之必於通經正爲講明聖賢之訓以爲終身踐履之資耳非直以分章析句爲通經然後乃求踐言以實之也李君承之來自廬陵出示澹菴先生胡公所爲作論語解序歛衽三復如奉音旨敢竊推其餘意以附卷尾李君幸以愚言息之則庶乎知先生所以推揚期待之意矣淳熙乙巳六月乙丑新安朱熹

晦菴題跋

卷之一
十四

汲古閣

敬書

跋胡澹菴和李承之詩

蜀人李君承之見過山間示詩一編詞源奔放而句律謹嚴讀之令人夔夔不厭間出澹菴先生胡公和章一卷皆其手筆又知君詩之勝已爲名流知重如此也因復自念頃歲嘗得一見先生於臨安其後遂叨薦寵而不知所以得之或者以爲先生嘗見其詩而喜之也顧今衰落惠許不酬而李

君辯博縱橫究知西南利病蓋不但深於詩者亦復流落艱難疲於道路豈先生所許以爲可與言詩者例如此邪慨念先生不可復見因太息爲書其後云淳熙乙巳六月乙丑新安朱熹書

跋宋君忠嘉集

莊周有言子之愛親命也不可解於心臣之事君義也無適而非君也無所逃於天地之間古今以爲名言然以予論之父子之仁君臣之義莫非天

晦菴題跋

卷之一
十五

汲古閣

賦之本然民彝之固有彼乃獨以父子爲自然而謂君臣之相屬特出於事勢之不得已夫豈然哉今讀東海宋君之事觀其出身以報國家之仇履鋒鏑蹈危難濱九死而不悔及其一旦棄妻子去以逃左袵之禍則窮困極矣而變易姓名猶不能忘於國家興復之念夫豈有所不得已而強爲之哉於此觀之則君臣之義如吾所論無可疑者而莊生爲我無君禽獸食人之邪說亦可以不辨而

自明矣抑觀諸人所記宋君本末猶可以想見其
魁奇磊落之氣至於挂劍之章語尤悲壯則每讀
之未嘗不流涕太息也先是天子錄君之遺忠官
其子南強而南強今爲南劍之沙縣治甚有聲其
亦息有以不墜其先人忠義之教乎哉淳熙乙巳
七月庚戌新安朱熹書

跋范文正公送竇君詩

片帆飛去若輕鴻一霎春潮過浙東王謝江山

晦菴題跋

卷之一
十六

汲古閣

久蕭索子真今爲起清風

右范文正公詩也鄞尉廳無壁記竇君不知何許
人及居官歲月然爲范公所與如此必非常流矣
而率泯滅不少概見於世何哉新安滕璘德粹嗣
守其官以是詩爲不可無傳也礪石治舍請書而
刻之淳熙乙巳八月壬戌同郡朱熹書而記其後

云

須江嚴伯奮來訪出其先君子溪上翁遺文三巨
編後有當世諸賢題識甚詳熹於翁爲同年生前
此未獲相識今讀其文汪洋放肆究極事情而無
艱難辛苦之態至於四五六七言則尤兄延之題
品發明又已曲盡其妙其夢中一詩置之張司業
楊少尹集中殆無以辨信亦近世之佳作也伯奮
求叙適予大病眩瞶不能致思爲題其後如此而
歸之淳熙十二年九月二十三日新安朱熹書

晦菴題跋

卷之一
十七

汲古閣

跋潘顯甫字序

余年十六七時屏山劉先生字余以元晦而祝之
其詞曰木晦於根春容曄敷人晦於身神明內腴
余受其言而行之不力涉世犯患顛沛而歸然後
知其言之有味也讀潁川公所爲潘氏子顯甫字
說竊獨重有感焉爲之太息而識其後顯甫視之
而能以予爲戒則於父師之訓其庶幾矣是歲冬
十月壬子新安朱熹書

跋謝艮齋所作靜齋銘

艮齋受學長陽冲晦先生之門得其宗旨訓誘後學孜孜不倦其論求仁功夫如此所以期於子山者遠矣子山蓋亦有以用其一日之力使斯銘者不爲虛語乎哉卷中又有同年趙彥德題字覽之如見其人益深存沒之感淳熙乙巳十月甲寅

題顧侯射記後

顧侯以殊科自奮射藝精絕予久聞之未得一寓

晦菴題跋

卷之一
十八

汲古閣

目而侯以秩滿去矣一日來山間出此記讀之想見一時星飛的破起坐誼譁之樂尤恨不得爲坐上客也仇虜雖衰故疆未復侯其勉旃有以副聖主教訓作成之意云淳熙丙午七月七日雲臺外史朱熹書

跋李壽翁遺墨

韓退之著書立言觝排佛老不遺餘力然讀其謝潮州表答孟簡書及張籍侑奠之詞則其所以處

於禍福死生之際有愧於與學之流者多矣其不能
能有以深服其心也宜哉侍郎李公玩心於易以
沒其身平居未嘗深斥異教而間獨深爲上言天
地變化萬物終始君臣父子夫婦之道性命之理
幽明之故死生之說盡備於易不當求之無父無
君之言以傷俗化其言雖約而功實倍於韓子至
其平生大節則不惟進退險夷一無可憾而超然
於生死之際又如此此足以明吾道之有人而信
晦菴題跋

卷之一
十九

汲古閣

其言之不妄矣易所謂默而成之不言而信者其
公之謂歟熹不及從公遊而蒙公見與甚厚其子
正夫視以絕筆因得捧讀而竊識其說於後云淳
熙丙午九月甲辰朔

跋任伯起家藏二蘇遺蹟

元豐間西南夷與疆吏不相得怒且生事時眉山
任公伋字師中守瀘州曰我曲彼直不可與校務
一以恩信撫柔之已聽命矣而部使者或壞其約

以邀功公爭之不得其後師出果屢敗天子震怒
將吏皆伏誅使者懼并及則反誣公以幸免事下
有司維治未竟而公沒其子三訴於朝卒不得伸
然任氏自此世有聞人而龍閣公遂以剛直不撓
進爲於世今其家藏兩蘇公文記詩篇甚衆蓋詩
猶真蹟而於瀘事尤反復致意焉龍閣之曾孫希
夷將刻石以視子孫而屬予序之予惟任公當日
之意知其事理之當然而不得不然耳非以今名
晦菴題跋

卷之一
二十一

汲古閣

之可慕後福之可邀而爲之也而以今觀之其効
乃如此豈易所謂不耕穫不菑畲而利有攸往者
邪因記其事如此後之君子有以考焉淳熙丁未
七月己酉新安朱熹書

跋滕南夫溪堂集

婺源爲縣窮僻斗入重山複嶺間而百十年來興
材間出如翰林汪公及我先君子太史公皆以學
問文章顯重於世至戶掾滕公雖稍後出然其才

志傑然遠過流輩譬如汗血之駒墮地千里方將
服韃鞠鳴和轡範其馳驅以追二公之逸駕則不
幸而短命死矣平生遺文在者不能什一故侍郎
呂公仁父嘗爲之序云然多一時應用之作未足
以見其志之所存也嗚呼以滕公之才之傑使得
永年益求師友於四方以克其志則其所就豈止
此而已哉淳熙丁未其兄孫璘訪余崇安出其集
與此傳示予因太息而書其後傳言公嘗爲書萬

晦菴題跋

卷之一
二十一

汲古閣

言論和戰守利害其言甚偉今亦不見集中甚可
惜也季文此傳筆力犇放而法度謹嚴讀者可以
想見當時朋友切磋之盛云九月丙辰里人朱熹
書

跋馮君家藏唐誥

黃巢之亂唐僖宗出居成都以王鐸鄭畋爲宰相
協力討賊鐸以都統檄召諸道之兵入西畿屯盩
厓而賊勢遂衰卒逐巢復長安今觀馮君告身以

中和二年十一月下則正此時事也其曰右都者
卽西畿其曰吏部行在之印者卽成都行省其曰
太尉兼中書令而使者以舊史考之卽王鐸而新
史鐸傳乃作檢校司徒誤矣其曰司空兼門下侍
郎同平章事者則爲鄭公不疑而其官稱二史通
鑑亦不與也但通鑑載諸道師屯所處甚悉而不
及福建豈以道遠後至而不得列序邪抑且以將
卑師少而略之也夫以閩之窮僻阻遠而當此之
時乃能命將遣兵奔赴國難馮君又能爲之領率
人徒崎嶇萬里以投命於君親其功雖不大顯然
其爲忠則有餘矣其十一世孫允中出以示余且
言君之後散居劔邵之間爲三大族子孫甚衆衣
冠不絕予以爲此豈忠勞之報邪允中將刻石以
示三族之人俾之無忘其初因爲記其本末云淳
熙丁未十一月甲子新安朱熹書

道不遠人理不外事故古之教者自其能食能言
而所以訓導整齊之者莫不有法而況於家塾黨
庠遂序之間乎彼其學者所以入孝出弟行謹言
信羣居終日德進業修而暴慢放肆之氣不設於
身體者繇此故也番易程端蒙與其友生董銖共
爲此書將以教其鄉人子弟而作新之蓋有古人
小學之遺意余以爲凡爲庠塾之師者能以是而
率其徒則所謂成人有德小子有造者將復見於
今日矣於以助成后王降德之意豈不美哉淳熙
丁未十一月甲子新安朱熹書

書伊川先生帖後

故端殿上饒汪公鎮蜀時嘗得此帖又見邵溥所
論而疑之因錄見寄而使審其真僞熹時爲公言
楊遵道記先生嘗語學者讀易如素未讀不曉文
義必先熟讀三家然後却有用心處其說正與此
合然味其言固有抑揚非以易之說爲盡於三家

所言也此帖實出先生溥言不足爲病且尋繹通貫之云又真讀書之法近世學者閱理不精正坐讀書太草草耳況春秋大義數十炳若日星固已見於傳序而此所謂不容遺忘者又非先生決不能道也夫三綱五常大倫大法有識以上卽能言之而臨小利害輒已失其所守正以學不足以全其本心之正是以無所根著而忘之耳旣有以自信其不容遺忘又不覺因事而形於筆札之間非晦菴題跋

卷之一
二十四

汲古閣

先生之德盛仁熟左右逢原能及是邪謝君名見張思叔所記師說而崇觀間久官太學未知果能尊所聞否其家尚藏此帖今制幕趙崇憲摹刻以示蜀人遠寄墨本因記前說輒爲附識其後使覽者有以知夫學之有統道之有歸而不但爲文字之空言以希世取寵而已也淳熙戊申春二月乙卯

題太極西銘解後

始予作太極西銘二解未嘗敢出以示人也近見
儒者多議兩書之失或乃未嘗通其文義而妄肆
詆訶予竊悼焉因出此解以示學徒使廣其傳庶
幾讀者由辭以得意而知其未可以輕議也淳熙
戊申二月己巳晦翁題

跋東坡與趙德麟字說帖

神宗皇帝稽古立法以教宗子此萬世之大慮也
蘇公發明其意以字德麟所以望之豈淺淺哉今

晦菴題跋

卷之一
二十五

汲古閣

趙君善希能得此帖而珍藏之則亦有意於此矣
尚其勉旃無爲徒玩其華藻而已淳熙戊申夏五
月旣望新安朱熹敬書

書楊龜山帖後

楊陳二公論易有不同者而楊公之詞平緩如此
夫二公之間豈有所嫌疑畏避而然哉亦其德盛
仁熟而自無鄙倍耳楊公於先天之學有所未講
則闕而不論其不自欺又如此尤後學之所宜取

法也淳熙戊申六月十六日新安朱熹書

跋楊遵道遺文

先君子嘗識楊公遵道之墓記其論說梗槩皆極精詣且言其平生爲文數百篇存者什一二耳熹每伏讀家集至此未嘗不掩卷太息恨其遺文之散逸而其幸存者亦不得而見之也近乃得此編於將樂鄧絢而絢得之公孫璿者悉披疾讀驚喜幸甚然其文不過五六篇而墓識所書論莊周語晦菴題跋

卷之一
二十六

汲古閣

不復見則視作識時所失亡又已多矣遂讀至上伊川先生論易第二書則喟然曰是所謂發微詣極冰解的破者邪至於陳李異同之辨則恨未有以見其取舍之決愔乎不得其全書而考之也獨懺經疏附母而始遷遠祖享先而雜用與教雖云代作恐亦非公所宜爲者豈其歲月久遠次輯之際容或有亂真者歟敬書其後如此以告觀者使不唯於楊公之學有以考焉又於吾先君子之作

有以信其非世俗諛墓之文也識言後若干年始克葬公某處璿爲鄧言公先已葬將樂縣丞惠鄉珠林山作識時蓋將改葬故其言如此然竟不果且欲屬熹更定其字熹謝不敢因并記之以見其實云淳熙戊申八月壬辰新安朱熹謹書

跋陳了翁責沈

陳忠肅公剛方正直之操得之天姿而其燭理之益精陳義之益切則學問之功有不可誣者觀於

晦菴題跋

卷之一
二十七

汲古閣

此帖其克已尊賢虚心服善之意尚可識也墨蹟今藏所贈兄孫宗正之子筠家而建業杜林延平皆有石本顧字畫不能無小失真獨沙縣乃爲版刻尤不足以傳遠今縣丞黃東始復就摹墨蹟龔石刻之縣學祠堂以爲此邑之人百世之下猶當復有聞風而興起者其志遠矣至於心畫之妙刊勒尤精其凜然不可犯之色尚足以爲激貪立懦之功而桂林本有張敬夫題字以爲於公之意有

發明者因并刻之淳熙戊申十一月辛丑新安朱熹敬爲書其左方

記參政龔公陞辭奏藁後

大參龔公平生不喜言用兵晚年去國論事者乃言其陞辭之日請大舉恢復之師以迎合上意聞者莫不怪之予曩從公遊甚久蓋嘗與公反復論此雖兩有所持然竟不能以相屈也至是竊獨意公不宐有此公薨後數年過其故里從公二子得

晦菴題跋

卷之一
二十八

汲古閣

其副本讀之乃極論不可輕舉之意蓋猶其平生之素論也痛公見誣之甚爲之太息流涕久之然尚恨怱怱不暇僭其手藁以觀而亦未敢以示人也近者乃聞聖上知公無罪特詔有司還其職秩聖度如天固非賤臣淺識所能窺測然向使其真有纖芥如言者之所謂則亦豈復有是也哉此可以驗公家書之不誣因稍出之而記其本末如此
淳熙己酉正月旣望新安朱熹記

跋通鑑韻語

沙隨先生程公以書見抵盛稱臨川黃君齊賢爲學之不苟也旣而齊賢亦橐其所著書六十卷以示余余病衰目盲不能徧讀齊賢又親爲指畫乃得窺其大略然猶恨未能有以究其蘊也嗚呼是亦勤矣因語齊賢韻語雖工而諸圖用力之深尤不可及雖無通鑑亦可孤行今乃託於韻語而謂節本真出溫公之手何邪齊賢又出良齋先生諸

晦菴題跋

卷之一
二十九

汲古閣

公跋語俾嗣書之余惟諸公皆當代儒先其言自足取信區區鄙語何足爲助顧嘗竊爲齊賢深言古人爲已之意而齊賢未能無聽瑩也其以是復于諸老先生而益廣求之則庶乎有得于身而是書之中一字一義亦無不光焰矣淳熙己酉三月癸卯清明嵩高隱吏朱熹書

跋程宰登瀛閣記

建陽大夫程侯示予以馬公子才所記其家登瀛

閣之文以今觀之其言亦略驗矣程侯爲政寬易
愛人意者前人爲善之報未止於此也然予聞之
古之君子施而不望其報祀而不祈其福蓋以爲
善爲當然而天人之間應若影響者自不容已也
程侯屬余書其後因輒附見此意云淳熙己酉十
月四日新安朱熹書

題方氏家藏紹興諸賢帖後

莆陽方德順早以文行知名一時諸公長者皆折
晦菴題跋

卷之一
三十

汲古閣

輩行與交紹興初嘗召對極論講和不便雖不合
以去而名問益高張忠獻折大參曾侍郎張給事
呂舍人皆深知之仕竟不遭以卒其子士龍藏諸
公所與往還書帖甚富嘗出以見示熹謂此不唯足
以見德順之爲人而中興人物之盛謀猷之偉於
此亦可慨見因爲撫卷三歎而敬書其後

跋先吏部畱題延福院詩

先君吏部三詩以宣和辛丑畱題政和延福院壁

至今紹熙庚戌適七十年矣孤熹來自崇安襄回
其下流涕仰觀慮其益久而或圯也里人謝君東
卿陳君克請爲模刻以傳永久熹因竊記其後云
二月二十日敬書

跋施良翰軍政策

施君良翰示予以軍政策一編其言當世利病之
實本末備見皆可施行屬余方有行役之勞未遑
盡讀然當會意處未嘗不三復而屢歎也至所謂

晦菴題跋

卷之一
三十一

汲古閣

恩不歸於有功而歸於倖門則才否雖當已自不
厭公論者又獨深有感焉因竊識其語於良齋智
甫書卷之後紹熙改元三月二十一日新安朱熹
書

再跋參政龔公陞辭奏藁

始予得龔公陞辭奏草而記其本末以解聽者之
惑然猶以未及見其真筆爲恨者非予有所疑於
公之言蓋慮世之不能無疑於予言也今年復過

莆中公之二子及其孫堪復以此軸見示塗乙點
定手筆粲然而其指意審重詳密又與江西奏劄
實相表裏於此足以見公平生之言未嘗少變而
彼譖人者真可以鼻豺虎而猶懼其不之食也歐
陽子曰後世苟不公至今無聖賢蓋天下之事必
至於久而後是非之實可見此君子之立言制行
所以不屑流俗一時之毀譽而唯欲其無所愧悔
於吾心也既感其事因復書前說之後以著吾言

晦菴題跋

卷之一
三十二

汲古閣

之不安庶幾秉南董之筆者猶有考云紹熙庚戌
四月十三日書於仙遊長嶺旣置

跋閻丘生陰符經說

括蒼閻丘君之官臨賀迂道千里過予於漳水之
上示予以所釋陰符之篇觀其意寄高遠而文義
精密出入乎異端之說而能折衷以義理之正至
論當世之爲道術者則其所是非取舍又皆不失
其當蓋今之學子能若是者少矣然予憂其知之

過高氣之太銳而無以道乎中庸之實或將反以喪失其所以爲心者而不自知也於其告別書以遺之紹熙庚戌五月二十九日新安朱熹書

跋黃山谷詩

杜子美詩小序有言虎瘡突夔人藩籬者夔人正謂夔州人耳而山谷詩乃有虎夔藩之語今此頌又用躩觸字按躩踞見靈光殿賦自爲蚪龍動貌元無觸義不知山谷何所據也此卷詞筆精麗而晦菴題跋

卷之一
三十二

汲古閣

指意所屬未免如李太白所以見譏於王荊公者覽者亦可以發深省矣

書伊川先生與方道輔帖後

伊川先生德性嚴重不輕與人接今觀其於方公父子兄弟之間眷眷如此則方公之賢可知已熹舊嘗得前數帖刻之廬山白鹿洞公之曾孫長泰主簿壬又并其所藏數帖撫刻於家間以視熹求書其後雖先生之所以書者有非熹之所敢知然

觀於應舉耕田之語可以決內外取舍之輕重察於買犢還珠之諭可以知讀書求道之要在此而不在彼也既以自厲又書卷尾以屬方君使與其族之父兄子弟相與勉焉紹熙改元孟秋七日新安朱熹

書臨漳所刊四經後

書

世傳孔安國尚書序言伏生口傳書二十八篇堯

晦菴題跋

卷之一
三十四

汲古閣

典臯陶謨禹貢甘誓湯誓盤庚高宗彤日西伯戡黎微子牧誓洪範金縢大誥康誥酒誥梓材召誥洛誥多士無逸君奭多方立政顧命呂刑文侯之命費誓秦誓孔氏壁中書增多二十五篇大禹謨五子之歌胤征仲虺之誥湯誥伊訓太甲上太甲中太甲下咸有一德說命上說命中說命下泰誓上泰誓中泰誓下武成旅獒微子之命蔡仲之命周官君陳畢命君牙冏命分伏生書中四篇爲九

篇又增多五篇舜典益稷盤庚中盤庚下康王之
誥并序一篇合之凡五十九篇及安國作傳遂引
序以冠其篇首而定爲五十八篇今世所行公私
版本是也然漢儒以伏生之書爲今文而謂安國
之書爲古文以今考之則今文多艱澁而古文反
平易或者以爲今文自伏生女子口授晁錯時失
之則先秦古書所引之文皆已如此或者以爲記
錄之實語難工而潤色之雅詞易好則暗誦者不

晦菴題跋

卷之一
三十五

汲古閣

應偏得所難而考文者反專得其所易是皆有不
可知者至諸序之文或頗與經不合如康誥酒誥
梓材之類而安國之叙又絕不類西京文字亦皆
可疑獨諸序之本不先經則賴安國之序而可見
故今別定此本壹以諸篇本文爲經而復合序篇
於後使覽者得見聖經之舊而不亂乎諸儒之說
又論其所以不可知者如此使讀者姑務沈潛反
復乎其所以不必穿鑿傳會於其所難者云紹

熙庚戌十月壬辰新安朱熹識

詩

鄭康成說南陔等篇遭秦而亡其義則與衆篇之義合編故存至毛公爲詁訓傳乃分衆篇之義各置於其篇端愚按鄭氏謂三篇之義本與衆篇之義合編者是也然遂以爲詩與義皆出於先秦詩亡而義猶存至毛公乃分衆義各置篇端則失之矣後漢衛宏傳明言宏作毛詩序則序豈得爲與晦菴題跋

卷之一
三十六

汲古閣

經並出而分於毛公之手哉然序之本不冠於篇端則因鄭氏此說而可見熹嘗病今之讀詩者知有序而不知有詩也故因其說而更定此本以復于其初猶懼覽者之惑也又備論於其後云紹熙庚戌冬十月壬辰新安朱熹識

易

右古文周易經傳十二篇亡友東萊呂祖謙伯恭父之所定而音訓一篇則其門人金華王莘叟之

所筆受也熹嘗以謂易經本爲卜筮而作皆因吉凶以示訓戒故其言雖約而所包甚廣夫子作傳亦略舉其一端以見凡例而已然自諸儒分經合傳之後學者便文取義往往未及玩心全經而遽執傳之一端以爲定說於是一卦一爻僅爲一事而易之爲用反有所局而無以通乎天下之故若是者熹蓋病之是以三復伯恭父之書而有發焉非持爲其章句之近古而已也音訓則妄意其猶晦菴題跋

卷之一
三十七

汲古閣

或有所遺脫莘叟蓋言書甫畢而伯恭父沒是則固宐然亦不敢輒補也爲之別見於篇後云淳熙九年夏六月庚子朔旦新安朱熹書

春秋

熹之先君子好左氏書每夕讀之必盡一卷乃就寢故熹自幼未受學時已耳熟焉及長稍從諸先生長者問春秋義例時亦窺其一二大者而終不能以有以自信於其心以故未嘗敢輒措一詞於其

間而獨於其君臣父子大倫大法之際爲有感也
近刻易詩書於郡帑易用呂氏本古經傳十二篇
而絀詩書之序置之經後以曉當世使得復見古
書之舊而不錮於後世諸儒之說顧三禮體大未
能緒正獨念春秋大訓聖筆所刊不敢廢塞而河
南邵氏皇極經世學又以易詩書春秋爲皇帝王
霸之書尤不可以不備乃復出左氏經文別爲一
書以踵三經之後其公穀二經所以異者類多人
名地名而非大義之所繫故不能悉具異時有能
放呂氏之法而爲三經之音訓者尚有以成吾之
志也哉紹熙庚戌冬十月壬辰新安朱熹謹書

書楚辭協韻後

始予得黃叔屋父所定楚辭協韻愛之以寄漳守
傅景仁景仁爲刻板置公帑未幾予來代景仁爲
予言大招昭遠同韻此謂遠當爲遭似矣然嘗讀
王岐公集銘詩中用遠字正入昭韻則大招之遠

晦菴題跋

卷之一
三十八

汲古閣

自不當改然又疑其或反是承襲此篇之誤因考

漢書叙傳則有符與昭韻者

高惠功臣侯表

區與驕韻者

西南夷兩粵傳

乃知大招本文誠不爲悞而歧公用韻其

考之亦詳也予按諸書信如景仁之言蓋字之從

處聲者噉臙平讀音皆爲彊然則大招之遽當自

彊而爲喬乃得其讀於是卽其板本復刊正之使

覽者無疑焉景仁說尚有欲商訂者會其去亟不

果他日當并扣之附刻書後也紹熙庚戌十月壬

晦菴題跋

卷之一
三十九

汲古閣

午新安朱熹識

再跋楚辭叶韻

楚辭叶韻九章所謂將寓未詳者當時黃君蓋用古杭本及晁氏本讀之故於此不得其說而闕焉近見閣阜道士甘夢叔說寓乃當字之誤因亟考之則黃長睿洪慶善本果皆作當黃注云宋本作寓洪注云當值也以文義音韻言之二家之本爲是杭本未校舛誤最多宜不足恠獨晁氏自謂深

於騷者顧亦因襲其謬而不能有所是正若此類者尚多有之然則其所用力不過更易序引增廣篇帙以飾其外而於是書之實初未嘗有所發明也近世之言刪述者例如此不但晁氏而已予於此編實嘗助其吟諷今乃自愧其眩于名實而考之不詳也因復書其後以曉觀者云

題屈原天問後

此書多不可曉處不可強通亦有顯然謬誤而讀

悔菴題跋

卷之一
四十一

汲古閣

者不覺又從而妄爲之說者如啓棘賓商九辯九歌王逸則訓棘爲陳訓賓爲列謂商爲五音之商固已穿鑿而漢興祖又以爲急相符契以賓客之禮而作是樂尤爲迂遠今詳此乃字以篆文相似而誤棘當作夢商當作天言啓夢上賓於天而得此二樂以歸耳如列子史記所載周穆王秦穆公趙簡子等事爾若山海經云夏后上三嬪于天得九辨九歌以下則是當時此書別本賓字亦誤作

嬪故或者因以爲說雖實恠妄不足爲据然商字猶作天字則可驗矣柳子厚質嬪之云乃爲山海經所誤而或者又誤解之三寫之口可勝歎哉

嘗疑山海經與此書相出入處皆是並緣此書而作今說者反謂此書爲出於彼而引彼爲說誤矣若淮南子則明是此書之訓傳亡疑然亦未必有所傳聞只是傳會說合耳

跋劉子澄與朱魯叔帖

晦菴題跋

卷之一
四十一

汲古閣

觀亡友劉君子澄手墨爲之隕涕其言嘗看切已文字分別義利之間所以期吾魯叔者爲不淺矣魯叔尚勉旃哉丹陽朱熹仲晦父書於臨漳郡齋紹熙庚戌中冬十一日

跋黃山谷帖

此朱希真書也韓子蒼之誤可耳何斯舉親見前輩亦誤何耶然希真書自不凡老筆尤放逸此雖其少作蓋亦可藏也晦翁書

跋蔡端明帖

蔡公節槩論議政事文學皆有以過人者不獨其書之可傳也南來多見真蹟每深歎敬朱熹題

跋曾文昭公與朱給事帖

舊讀徽錄見曾公兄弟往還事每深慨歎今觀文昭此帖乃知朱公從臾之力益以喟然然觀後來事變蓋有所謂天實爲之者諸公區區其間乃欲以一葦障江河卒以至於流離竄斥而不悔可悲

晦翁題跋

卷之一
四十二

汲古閣

也哉紹熙庚戌中冬十一日丹陽朱熹書

再跋

建中紀號調亭兩黨實曾丞相之策其後元祐諸人頗攻其短故國論遂中變非子宣本謀也但薰蕕同器決無久遠芬馥之理觀程弟所論有未究者故復書此云

跋東坡牛賦

東坡此紙似足臨本紹熙庚戌晦翁審定

跋王端明奏藁

王公四疏首末一意丁寧懇惻無不以忠邪之判爲言其所以輔成元祐之治而壽國家元氣之脉者人到於今賴之厥功茂矣仙游朱魯叔遊宦衡陽得此遺墨於其家而寶藏之出以示熹爲之三復太息而不能已時紹熙改元十一月十一日也

書臨漳所刊四子後

聖人作經以詔後世將使讀者誦其文思其義有

晦菴題跋

卷之一
四十三

汲古閣

以知事理之當然見道義之全體而身力行之以入聖賢之域也其言雖約而天下之故幽明巨細靡不該焉欲求道以入德者舍此爲無所用其心矣然去聖旣遠講誦失傳自其象數名物訓詁凡例之間老師宿儒尚有不能知者況於新學小生驟而讀之是亦安能遽有以得其大指要歸也哉故河南程夫子之教人必先使之用力乎大學論語中庸孟子之書然後及乎六經蓋其難易遠近

大小之序固如此而不可亂也故今刻四古經而
遂及乎此四書者以先後之且考舊聞爲之音訓
以便觀者又悉著凡程子之言及於此者附於其
後以見讀之之法學者得以覽焉抑嘗妄謂中庸
雖七篇之所自出然讀者不先於孟子而遽及之
則亦非所以爲入道之漸也因竊并記於此云紹
熙改元臘月庚寅新安朱熹書于臨漳郡齋

跋蔡端明獻壽儀

晦菴題跋

卷之一
四十四

汲古閣

蔡忠惠公書蹟徧天下而此帖獨未布今歲南來
始得見於其來孫誼之家乃知咎之君子所以事
其親者如此其愛且敬也孤露餘生無所爲孝捧
玩摧咽不能仰視遂請其真摹而刻之以視世之
爲人子者庶以廣蔡公永錫爾類之志非獨以其
字畫之精而已然又偶得善工且屬諸生黃幹臨
視唯謹知書者亦以爲不失其用筆之微意云紹
熙庚戌臘月既望丹陽朱熹書於漳浦郡齋

跋李忠州家諸帖

郡人李君襜伯仲視予以其家藏羣公碑志書帖知忠州使君之節槩才略絕人如此而年未及老乃能一旦飄然謝事而歸其識遠而慮深矣劉忠定公題其碑陰至以儕於歐范二公之列豈徒取夫一節之高而已哉其子晉江大夫又以文字追逐一時名勝之間盛見稱許雖不幸未究其實以死然視世之苟賤貪鄙而泯沒於無聞者則有間矣讀之三歎欲刻之石以視邦人而迫去不果乃書其後而歸之怨齊之說唯鄒忠公爲詳實然其卒章亦不能無可疑者習俗之溺人如此吁可畏哉黃太史所論讀書貴精者切中學者之病惜其手帖之不存也新安朱熹書

跋高彥先家諸家帖

熹猶及見紹興中年姦凶擅朝忠賢奔播時事而知漳浦高公之爲烈也老矣南來乃獲拜其祠象

於學官窺其逸藁於家集而識其嗣子之爲人又益得其本末之詳甚可歎也季士又以此軸見視如李曾二胡諸公皆先人所從游當日相隨去國者三復其言益以慨歎乃敬書其後而歸之紹熙辛亥四月二十七日新安朱熹書

跋葉氏慕堂詩

雲巖處士葉君仲微以清德駢行聞於鄉余不及見矣晚與其子德符爲寮於漳一日出示諸君所

晦菴題跋

卷之一
四十六

汲古閣

賦慕堂詩然後益知仲微爲父之慈而又知德符爲子之孝也同官多賢者莫不高仰其事而樂爲之詩余獨以私故重有感焉而悲不能言也乃書其後以寄余意時德符亦老且倦游矣而於公家事無所苟其貌雖瘠而詩甚腴余心竊敬愛之而不能薦察德符無不足之色余以是益愧其人云紹熙二年重五日丹陽朱熹仲晦父書于晉江洛

陽下生院

跋滕戶曹守台州事實

始予以事至台州州人士君子爲予道滕公城守時事甚悉予心竊獨壯之而不及訪其文字數年之間時往日來于中不忘也今從公孫仲宣仲宣得此編而讀之乃知公平生大節類皆卓犖奇偉如此非獨守台一事爲可稱也但守台事有陳師恭之記守南都事有程千秋之記故其謀畫之奇節制之密皆焯焯在人耳目至其守蔡陳鄂功亦

晦菴題跋

卷之一
四十七

汲古閣

不細而莫有能言其事者千秋又記其說大元帥部西北之兵以迎二聖檄東南之衆以討邦昌皆切事機適形便而建炎初元所論五事與賀公所狀因論事而送吏部爭建都而遭讒毀則意必亦有卓絕切至之論而世莫得而語其詳焉然行狀又言公有奏議十餘卷與政府書三十篇則是數說者必已具於其間矣夫已不用於當時若又不傳於後世則是遂將泯沒於無聞豈不可惜也哉

今太史氏方將網羅天下放失舊聞以著中興君臣一時之盛是必既有任其責者二君其求諸家書以附此錄而往獻焉則九原有知其亦足以少慰也夫紹熙二年秋九月壬子鴻慶外史朱熹書

跋呂舍人帖

呂公之言所以發明講道修身之法詳矣學者審其先後緩急之序而用力焉其入聖賢之域也孰禦紹熙辛亥九月癸酉新安朱熹敬書

晦菴題跋

卷之一
四十八

汲古閣

跋景呂堂詩

滕德章寄此冊來求景呂堂詩余謂後學宗慕前輩而表其遺跡固爲美事然默而識之求其所以至於彼者而勉焉可也何以詩爲哉至於傳之遠久使人不忘則德粹之記諸公之詩已足以垂後矣亦無待於余言也乃書其後而歸之紹熙辛亥十月戊寅朱熹仲晦父題

晦菴題跋卷之一

終

